

Bus special pa "Tour cultural" lo tene recorrido pa muchanan di school

ORANJESTAD (AAN): Padi dos aña, UNOCA ta organiza e Tour cultural pa hobennan di 2^a klas di schoolnan secundario. Aña pasa alrededor di 700 hoben a e oportunidad di cera conoci cu seis diferente instancia cultural den un mainta. Tres dia pa siman, cada dia un otro klas ta subi bus y ta bishita e instancianan.

E instancianan cu ta coopera cu e proyecto aki ta Museo Historico Aruba, Museo Arqueologico Aruba, Archivo Nacional Aruba, Departamento Arubiana/Caribiana di Biblioteca Nacional Aruba, Cas di Cultura y Unoca, Coordinador di e proyecto pa UNOCA ta señora Margriet Lee-Tromp.

E tour ta duna un bunita oportunidad pa siña conoce e instancianan cultural aki. Nan ta haya di e personal di cada instancia un splicacion di e meta y trabao. Mayoria di e schoolnan MAVO ta participa, alavez EPB Oranjestad, San Nicolas y Santa Cruz. E aña aki un grupo di Emma school tambe a participa. Pa hopi hoben ta un prome biaha cu nan ta bishita e instancia. Na school e hobennan ta traha relato di nan experiencia cu e tour cultural. E tour ta cuminsa 8 or di mainta y tin un duracion di 3 ora, e ta pa grupo maximo di 40 mucha pa duna e instancianan oportunidad pa duna un bon presentacion. E tour cultural a cuminsa na maart y

ta sigui te cu e ultimo siman di school prome cu vakantie grandi. Por mira riba potret bishita di e grupo di studentenan na departamento Arubiana/Caribiana.

E idea 'a pa stimula e hobennan pa keda bishita e instancianan den futuro hunto cu famia. Of cu otro mucha di school pa traha riba proyecto. Sigur un iniciativa hopi educativo y util pa e studiantenan. Na departamento Arubiana/Caribiana nan ta hopi contento di por forma parti di e proyecto. A haci bon uso di e oportunidad pa duna informacion y haci e studiantenan conoci cu e servicio cu ofrece na studiantenan y biblijo en general.

Te awor, mas cu 200 hoben, alumnonan di di dos aña di Maria College y Abraham de Veerschool y nan docentenan a participa na e Tour Cultural 2013. Nan a keda

encanta cu tur e informacion ricibi, demostrando asina cu informacion ta balioso, cu tin diferente manera pa yega na informacion y cu esaki y pasa dushi por bay hunto! Pa

UNOCA educacion cultural pa hoben no solamente ta un necesidad pero cu cada mucha/hoben tin derecho pa tin acceso na esaki.

